



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

Parisiis, 1644

XX. Rescriptvm Synodicarvm Literarvm Iuuenalis sanctissimi episcopi Hierosolymorum, ad reuerendos presbyteros & archimandritas, & reliquos monachos Palæstinæ prouinciæ sub eius diœcesi constitutos.

urn:nbn:de:hbz:466:1-14887

norosa peruersitatis vestigia ipsa flammis combusta de-
pereant. Æquum namque est, vt immanissima sacrilegia
par pœnæ magnitudo percellat, Palladi pater carilli-
me atque amantissime. Illustris igitur & magna aucto-
ritas tua, quæ hac sacratissima constitutione decreuimus,
in hac alma vrbe, diuersisque prouinciis, ac præcipue in
Alexandrina ciuitate, & per vniuersam Ægyptiacam dice-
cesim, edictis ex more propositis, ad omnium notitiam fa-
ciat peruenire, vt cuncta, quam statuimus in eos qui rei
fuerint deprehensi, seueritas protinus exerceatur: scienti-
bus moderatoribus prouinciarum, eorumque apparito-
ribus, defensoribus etiam ciuitatum, quod si ea quæ legis
huius religiosissima sanctione custodienda decreuimus,
aut neglexerint, aut aliqua permiserint temeritate violari,
denarum librarum auri multam fisco nostro cogentur
inferre, insuper etiam existimationis suæ periculum susti-
nebunt. Ea quoque, quæ de paganis per omne Romanum
imperium aequaliter valitura perennitatis nostræ lege de-
creuimus, instantissime in eos exerceantur, quos consti-
terit, profanos ritus, ac simulacrorum impios cultus, &
interdicta sibi sacrilegia celebrare. Data sub die Kalenda-
rum Augusti, Constantinopoli, diuo Valentiniano octa-
uum, & Anthemio, viris clarissimis consulibus.

XX.

RESCRIPTVM SYNODICARVM LITERARVM

*Iuuenalis sanctissimi episcopi Hierosolymorum, ad reuerendos
presbyteros & archimandritas, & reliquos monachos Pala-
stinæ prouinciæ sub eius diocesi constitutos.*

Math. 16.

CVM summus & primus apostolorum Petrus dixit:
set: *Tu es Christus filius Dei viui; Dominus intulit,
dicens: Beatus es Simon Bar Iona, quia caro & sanguis non
reuelauit tibi, sed Pater meus qui in cælis est. Et ego dico tibi,
quia tu es Petrus, & super hanc petram ædificabo ecclesiam
meam, & portæ inferi non præualebunt aduersus eam. Super
hanc confessionem roborata est ecclesia Dei, & fidem
quam nobis sancti tradiderunt apostoli, hanc ecclesia
custodiuit, & custodiet vsque ad finem mundi. Quam
& sanctum quoque magnumque & vniuersale Conci-
lium*

ANNO
 CHRISTI
 431.

lium Nicænum trecentorum decem & octo sanctorum
 patrum exposuit, quamque sanctum quoque magnumque
 & vniuersale Concilium nuper congregatum Calchedo-
 ne secutum est: huic neque adiici, neque subtrahi potest.
 Calumniatores autem & transgredientes mandatum Dei,
 quod præcipit; *Non falsum testimonium dices aduersus proxi- Exod. 10.*
 mum tuum; conuenit * aduersari. Nam si rex Dauid pro-
 pheta dicebat: *Eum qui derogabat occulte aduersus proximum P sal. 100.*
suum, hunc persequer: superbo oculo & auaro corde, cum eo
non edebam cibum: quanto magis nos debemus auersari
 eos qui falsum testimonium dicunt aduersus tantos san-
 ctissimos patres, magis autem aduersus cunctum terrarum
 orbem? Vestra itaque reuerentia fidem quam suscepit,
 teneat. Gratia enim Christi hæc & ab apostolis data, &
 a patribus est sanctis exposita: hæc etiam nunc valet, &
 vsque ad finem mundi vigeat. Quomodo Galatis scri-
 bens, dicebat Apostolus: *Si quis vobis euangelizauerit præ- Galat. 1.*
ter quod accepistis, anathema sit. Deus autem etiam erran-
 tes suæ coniungat ecclesiæ, qui per prophetam dicit:
Vino ego, dicit Dominus: nolo mortem peccatoris, sed ut conuer- Ezech. 33.
tatur & viuat.

Iuuenalis episcopus Hierosolymorum, in Domino valere vos opto.

Irenæus episcopus Cæsariæ, in Domino valere vos opto.

Paulus episcopus Parali, in Domino valere vos opto.

Et consequenter trium Palæstinarum episcopi subscripserunt.

XXI.

EXEMPLAR EPISTOLÆ

LEONIS IMPERATORIS PRIMI

AD ANATOLIUM EPISCOPUM CONSTANTINOPOLITANUM.

*Imperator Cæsar Leo piissimus, victor & triumphator
 maximus, semper Augustus, Anatolio regiæ
 ciuitatis episcopo.*

VOTVM quidem meæ pietatis fuit, vniuersas ortho-
 dorum sanctas ecclesias, nec non & ciuitates sub Ro-
 mano imperio constitutas maxima frui quiete, nihilque
 contingere, quod possit earum statum tranquillitatem-
 que turbare. Qualia vero in Alexandrinorum ciuitate nu-
 per euenerint, iam quidem nosse tuam credimus sancti-

Concil. Tom. 9.